

PL

2531

Kx

1886

V. 18

讀雪山房唐詩卷三十一 小傳一 目錄一 詩十九

詩人小傳 廿七

崔護 字殷功博陵人貞元十二年登第終嶺南節度使

今鈔七絕一首

今蝶少酥一首

半翅收得刻人良
天十二平徑最殊殊
南谷題

若人小詩

讀書山房詩卷三

讀雪山房唐詩卷三十一

七絕目錄 三

王 涯十首

楊巨源三首

韓 愈十首

柳宗元六首

劉禹錫三十首

盧 仝一首

李 賀三首

王 建

六十二首

歐陽詹一首

張 籍十五首

賈 島五首

張仲素十一首

呂 溫二首

崔 護一首

題一首

謝一首

題一首

題一首

題一首

題一首

題一首

題一首

題一首

題一首

題一首

題一首

讀雪山房唐詩卷三十一

七絕

三

炎炎秋夜曲天初臥葉交吐
露王氣向刺蘇欲王庭涯
桂魄初生秋露微輕羅已薄未更衣銀箏夜久殷懃弄心怯
空房不忍歸

獻壽詞

宮殿參差列九重祥雲瑞氣捧階濃
微臣欲獻唐堯壽遙指南山對袞龍

宮詞

三十首
之八

內人宜著紫衣裳冠子梳頭雙眼長
新睡起來思舊夢見人忘卻道勝常

五更初起覺風寒香炷燒來夜已殘欲捲珠簾驚雪滿自將
紅燭上樓看
一叢高髻綠雲光宮樣輕輕淡淡黃爲看九天公主貴外邊
爭學內家裝

碧繡簷前柳散垂守門宮女欲攀時曾經玉輦從容處不敢
臨風折一枝

白雪猗兒拂地行慣眠紅毯不會驚深宮更有何人到只曉
金階吠晚螢

炎炎夏日滿天時桐葉交加覆玉墀向晚移燈上銀簾叢叢
綠髻坐彈碁

銀瓶瀉水欲朝妝燭焰紅高粉壁光共怪滿衣珠翠冷黃花

瓦上有新霜

迎風殿裏罷雲和起聽新蟬步淺莎爲愛九天和露滴萬年
枝上最聲多

賦得灞岸柳畱辭鄭員外

楊巨源

楊柳含煙灞岸春年年攀折爲行人好風倘借低枝便莫遣
青絲埽路塵

折楊柳

水邊楊柳麴塵絲立馬煩君折一枝惟有春風最相惜殷勤
更向手中吹

聽李憑彈箏篴

聽奏繁絃玉殿清風傳曲度禁林明君王聽樂梨園暖翻到

雲門第幾聲

次潼關先寄張十二閣老使君

張賈也

韓愈

荆山已去華山來日出潼關四扇開
刺史莫辭迎候遠相公
新破蔡州回

題楚昭王廟

邱墳滿目衣冠盡城闕連雲草樹荒
猶有國人懷舊德一間茅屋祭昭王

桃林夜賀晉公

西來騎火照山紅夜宿桃林臘月中
手把命珪兼相印一時重疊賞元功

盆池

五首之一

莫道盆池作不成藕稍初種已齊生從今有雨君須記來聽
蕭蕭打葉聲

答道士寄樹雞

樹雞木耳
之大者

輭濕青黃狀可猜欲烹還喚木盤迴煩君自入華陽洞直割
乖龍左耳來

題臨瀧寺

不覺離家已五千仍將衰病入瀧船潮陽未到吾能說海氣
昏昏水拍天

晚次宣溪辱韶州張端公使君惠書敘別酬以絕句

韶州南去接宣溪雲水蒼茫日向西客淚數行先自落鷓鴣
休傍耳邊啼

將至韶州先寄張端公使君借圖經

曲江山水聞來久恐不知名訪倍難願借圖經將入界每逢
佳處輒開看

和李司勳過連昌宮

夾道疏槐出老根高蔓巨桷壓山原宮前遺老來相問今是
開元幾葉孫

題木居士

火透波穿不計春根如頭面幹如身偶然題作木居士便有
無窮求福人

與浩初上人同看山寄京華親故

柳宗元

海畔尖山似劒鉞秋來處處割愁腸若爲化作身千億散上

峯頭望故鄉

柳州二月榕葉落盡偶題

宦情羈思共悽悽
春半如秋意轉迷
山城過雨百花盡
榕葉滿庭鶯亂啼

浩初上人見貽絕句欲登仙人山因以酬之

珠樹玲瓏隔翠微
病來方外事多違
仙山不屬分符客
一任凌空杖錫飛

段九秀才處見亡友呂衡州書迹

交侶平生意最親
衡陽往事似分身
袖中忽見三行字
拭淚相看是故人

柳州寄京中親故

林邑山連瘴海秋
牂牁水向郡前流
勞君遠問龍城地
正北三千到錦州

酬曹侍御過象縣見寄

破額山前碧玉流
騷人遙駐木蘭舟
春風無限瀟湘意
欲採蘋花不自由

隄上行

劉禹錫

酒旗相望大隄頭
隄下連檣隄上樓
日暮行人爭渡急
槳聲咿軋滿中流

江南江北望煙波
入夜行人相應歌
桃葉傳情竹枝怨
水流無限月明多

竹枝詞

楊柳青青江水平
聞郎江上唱歌聲
東邊日出西邊雨
道是無晴卻有晴

踏歌詞

春江月出大隄平
隄上女郎連袂行
唱盡新詞歡不見
紅霞映樹鷓鴣鳴

阿嬌怨

望見葳蕤舉翠華
試開金屋埽庭花
須臾宮女傳來信
言幸平陽公主家

竹枝詞

九首之五

白帝城頭春草生
白鹽山下蜀江清
南人上來歌一曲
北人莫上動鄉情

山桃紅花滿上頭蜀江春水拍山流花紅易衰似郎意水流
無限似儂愁

日出三竿春霧消江頭蜀客駐蘭橈憑寄狂夫書一紙家住
成都萬里橋

城西門前豔潏堆年年波浪不能摧懊惱人心不如石少時
東去復西來

瞿塘嘈嘈十二灘人言道路古來難長恨人心不如水等閑
平地起波瀾

楊柳枝詞

九首
之四

花萼樓前初種時美人樓上鬪腰枝如今拋擲長街裏露葉
如啼欲向誰

煬帝行宮汴水濱
數枝楊柳不勝春
晚來風起花如雪
飛入宮牆不見人

城外春風吹酒旗
行人揮袂日西時
長安陌上無窮樹
惟有垂楊管別離

輕盈嫋娜占年華
舞榭妝樓處處遮
春盡絮飛留不得
隨風好去落誰家

浪淘沙

九首之一
一作張籍詩

鸚鵡洲頭浪颭沙
青樓春望日將斜
銜泥燕子爭歸舍
獨自狂夫不憶家

和嚴給事唐昌觀玉蘂花

玉女來看玉樹花
異香先引七香車
攀枝弄雪時迴首
驚怪

人間日易斜

洛中送韓七中丞之吳興口號

五首之一

昔年意氣結羣英幾度朝回一字行
海北江南零落盡兩人相見洛陽城

元和甲午歲詔書盡徵江湘逐客
余自武陵赴京宿於都亭有懷續來諸君子

雷雨江山起臥龍武陵樵客躡仙蹤
十年楚水楓林下今夜初聞長樂鐘

逢王十二學士入翰林因以詩贈

廐馬翩翩禁外逢星槎上漢杳難從
定知欲報淮南詔促召王褒入九重

題柳子厚愚溪

溪水悠悠春自來
草堂無主燕飛迴
隔簾惟見中庭草
一樹山榴依舊開

柳門竹巷依然在
野草青苔日日多
縱有鄰人解吹笛
山陽舊侶更誰過

石頭城

山圍故國周遭在
潮打空城寂寞回
淮水東邊舊時月
夜深還過女牆來

烏衣巷

朱雀橋邊野草花
烏衣巷口夕陽斜
舊時王謝堂前燕
飛入尋常百姓家

臺城

臺城六代競豪華結綺臨春事最奢萬戶千門成野草只緣
一曲後庭花

生公講堂

生公說法鬼神聽身後空堂夜不扃高坐寂寥塵漠漠一方
明月可中庭

與歌者米嘉榮

唱得涼州意外聲舊人唯數米嘉榮近來時世輕前輩好染
髭鬚事後生

聽舊宮中樂人穆氏唱歌

曾隨織女渡天河記得雲間第一歌休唱貞元供奉曲當時

朝士已無多

與歌者何戡

二十餘年別帝京
重聞天樂不勝情
舊人惟有何戡在
更與殷勤唱渭城

和令狐相公別牡丹

平章宅裏一欄花
臨到開時不在家
莫道兩京非遠別
春明門外卽天涯

楊柳枝

春江一曲柳千條
二十年前舊板橋
曾與美人橋上別
恨無消息到今朝

山中

盧仝

詩集山房唐詩卷三
九
飢食松花渴飲泉偶從山後到山前陽坡輭草厚如織閑與
鹿麕相伴眠

南園

十三首
之二

李賀

尋章摘句老雕蟲曉月當簾挂玉弓不見年年遼海上文章
何處哭秋風

長卿牢落悲空舍曼倩詼諧取自容見買若耶溪水劒明朝
歸去事猿公

酬答

金魚公子夾衫長密裝腰鞵割玉方行處春風隨馬尾柳花
偏打內家香

過綺岫宮

王建

玉樓傾倒粉牆空
重疊青山遶故宮
武帝去來羅袖盡
野花黃蜨領春風

宮前早春

酒幔高樓一百家
宮前楊柳寺前花
內園分得溫泉水
二月中旬已進瓜

贈李愬僕射

和雪翻營一夜行
神旗凍定馬無聲
遙看火號連營赤
知是先鋒已上城

題酸棗縣蔡中郎碑

蒼苔滿字土埋龜
風雨銷磨絕妙詞
不向圖經中舊見
無人知是蔡邕碑

詩集山房唐詩卷三十一
九
十五夜望月寄杜郎中

中庭地白樹棲鴉
冷露無聲濕桂花
今夜月明人盡望
不知秋思在誰家

宮詞

一百首選
五十七首

蓬萊正殿壓金鰲
紅日初生碧海濤
開著五門遙北望
赭黃新帕御牀高

殿前傳點各依班
召對西來八詔蠻
上得青花龍尾道
側身偷覷正南山

籠煙日暖紫瞳瞳
宣政門當玉殿風
五刻閣前卿相出
下簾聲在半天中

白玉窗前起草臣
櫻桃初赤賜嘗新
殿頭傳語金階遠
只進

詞來謝聖人

千牛仗下放朝初
玉案傍邊立起居
每日進來金鳳紙
殿頭無事不多書

延英引對碧衣郎
江硯宣毫各別牀
天子下簾親考試
宮人

手裏過茶湯

一作元稹詩

少年天子重邊功
親到凌煙畫閣中
教覓勳臣寫圖本
長生殿裏作屏風

集賢殿裏圖書滿
點勘頭邊御印同
眞跡進來依數字
別收鎖在玉函中

秘殿清齋刻漏長
紫薇宮女夜焚香
拜陵日近公卿發
鹵簿分頭入太常

新調白馬怕鞭聲供奉騎來遶殿行爲報諸王侵早入隔門
催進打球名

對御難爭第一籌殿前不打背身毬內人唱好龜茲急天子
鞘回過玉樓

羅衫葉葉繡重重金鳳銀鷺各一叢每遍舞時分兩向太平
萬歲字當中

魚藻宮中鎖翠娥先皇行處不曾過如今池底休鋪錦菱角
雞頭積漸多

城東北面望雲樓半下珠簾半上鉤騎馬行人長遠過恐防
天子在樓頭

射生宮女宿紅妝把得新弓各自張臨上馬時齊賜酒男兒

跪拜謝君王

新秋白兔大於拳紅耳霜毛趁草眠天子不教人射殺玉鞭
遮到馬蹄前

競渡船頭掉采旗兩邊濺水濕羅衣池東爭向池西去先到
先書上字歸

琵琶先抹六么頭小管丁寧側調愁半夜美人雙唱起一聲
聲出鳳凰樓

春池日暖少風波花裏牽船水上歌遙索劒南新樣錦東宮
先釣得魚多

十三初學擘箏篴弟子名中被點畱昨夜教坊新進入並房
宮女與梳頭

紅蠻桿撥貼胸前移坐當頭近御筵用力獨彈金殿響鳳凰
飛下四條絃

春風吹雨灑旗竿得出深宮不怕寒誇道自家能走馬團中
橫過覓人看

每夜停鐙熨御衣銀薰籠底火霏霏遙聽帳裏君王覺上直
鐘聲始得歸

欲迎天子看花去下得金階卻悔行恐見失恩人舊院回來
憶著五絃聲

往來舊院不堪修近敕宣徽別起樓聞有美人新進入六宮
未見一時愁

御厨不食索時新每見花開卽苦春白日臥多嬌似病隔簾

教喚女醫人

叢叢洗手遶金盆
旋拭紅巾入殿門
眾裏遙拋金橘子
在前收得便承恩

御池水色春來好
處處分流白玉渠
密奏君王知入月
喚人相伴洗裙裾

移來女樂部頭邊
新賜花檀本五絃
纏得紅羅手帕子
中心細畫一雙蟬

新晴草色綠溫暾
山雪初消漸出渾
今日踏青歸校晚
傳聲畱著望春門

家常愛著舊衣裳
空插紅梳不作妝
忽地下階裙帶解
非時應得見君王

讀書山房唐詩卷三十一
行中第一爭先舞博士傍邊亦被欺忽覺管絃偷破拍急翻
羅袖不教知

私縫黃帔捨釵梳欲得金仙觀裏居近被君王知識字收來
案上檢文書

月冷江清近臘時玉階金瓦雪澌澌浴堂門外鈔名入公主
家人謝面脂

未承恩澤一家愁乍到宮中憶外頭新學管絃聲尙澀側商
調裏唱伊州

東風潑火雨新休昇盡春泥埽雪溝走馬犢車當御路漢陽
公主進雞毬

風簾水閣壓芙蓉四面鉤欄在水中避熱不歸金殿宿秋河

織女夜妝紅

聖人生日明朝是私地教人屬內監自寫金花紅膀子前頭
先進鳳凰衫

避暑昭陽不擲盧井邊含水噴鷓鴣籬內中數日無呼喚搦得
滕王蛺蝶圖

內人相續報花開準擬君王便看來逢著五絃琴繡袋宜春
院裏按歌回

以下九首一作
花藥夫人詩

宮人早起笑相呼不識階前埽地夫乞與金錢爭借問外頭
還似此間無

日高殿裏有香煙萬歲聲長動九天妃子院中初降誕內人
爭乞洗兒錢

宮花不共外花同正月常先一半紅
供御櫻桃看守別直無
鴉鵲到園中

太儀前日暖房來囑向朝陽乞藥栽
敕賜一窠紅躑躅謝恩
未了奏花開

御前新賜紫羅襦步步金階上
輦輿宮局總來爲喜樂院中
新拜內尙書

鸚鵡誰教轉舌關內人手裏養來姦語多
更覺承恩澤數對
君王憶隴山

宿妝殘粉未明天總立昭陽花樹邊
寒日內人長白打庫中
先散與金錢

眾中偏得君王笑偷把金箱筆硯開
書破紅蠻隔子上旋推

當直美人來

艾心芹葉初生小
祗鬪時新不鬪花
總待大家般數盡
袖中拈出鬱金芽

金吾除夜進儺名
畫袴朱衣四隊行
院院燒鐙如白日
沈香火底坐吹笙

樹頭樹底覓殘紅
一片西飛一片東
自是桃花貪結子
錯教人恨五更風

金殿當頭紫閣重
仙人掌上玉芙蓉
太平天子朝元日
五色雲車駕六龍

鴛鴦瓦上瞥然聲
晝寢宮娥夢裏驚
元是我王金彈子
海棠花下打流鶯

詩集山房集卷三十一
步行送入長門裏不許來辭舊院花只恐他時身到此乞恩
求赦放還家

彈碁玉指兩參差背局臨虛鬪著危先打角頭紅子落上三
金字半邊垂

宛轉黃金白柄長青荷葉子畫鴛鴦把來不是呈新樣欲進
微風到御牀

供御香方加減頻水沈山麝每回新內中不許相傳出已被
醫家寫與人

題延平劒潭

歐陽詹

想像精靈欲見難通津一去水漫漫空餘昔日凌霜色長與
澄潭生晝寒

送蜀客

張籍

蜀客南行祭碧雞
木綿花發錦江西
山橋日晚行人少
時見猩猩樹上啼

蠻州

一作杜牧詩
題云蠻中醉

瘴水蠻中入洞流
人家多住竹棚頭
青山海上海上無
城郭惟見松牌記象州

哭孟寂

曲江院裏題名處
十九人中最少年
今日春光君不見
杏花零落寺門前

同韋員外開元觀尋時道士

觀裏初晴竹樹涼
閑行共到最高房
昨來官罷無生計
欲就

師求斷穀方

秋思

洛陽城裏見秋風
欲作家書意萬重
復恐匆匆說不盡
行人臨發又開封

涼州詞

三首之一

鳳林關裏水東流
白草黃榆六十秋
邊將皆承主恩澤
無人解道取涼州

宮詞二首

新鷹初放兔初肥
白日君王在內稀
薄暮千門臨欲鎖
紅妝飛騎向前歸

黃金捍撥紫檀槽
絃索初張調更高
盡理昨來新上曲
內官

簾外送櫻桃

華清宮

溫泉流入漢離宮
宮樹行行浴殿空
武帝時人今欲盡
青山空閉御牆中

寄李渤

五渡溪頭躑躅紅
嵩陽寺裏講時鐘
春山處處行應好
一月看花到幾峯

倡女詞

輕鬢叢梳闊
埽眉爲嫌風
日下樓稀畫
羅金縷難相稱
故著尋常淡薄衣

贈王建

讀書山房唐詩卷三
白君去後交遊少東野亡來篋笥貧賴有白頭王建在眼前
猶見詠詩人

與賈島閒遊

水北原南草色新雪消風暖不生塵城中車馬應無數能解
閒行有幾人

逢賈島

僧房逢著款冬花出寺行吟日已斜十二街中春雪遍馬蹄
今去入誰家

山中酬人

山中日暖春鳩鳴逐水看花任意行向晚歸來石窗下菖蒲
葉上見題名

渡桑乾

賈島

客舍并州已十霜
歸心日夜憶咸陽
無端更渡桑乾水
卻望并州是故鄉

經蘇秦墓

沙埋古篆折碑文
六國興亡事繫君
今日淒涼無說處
亂山秋盡有寒雲

贈梁浦秀才斑竹拄杖

揀得林中最細枝
結根石上長身遲
莫嫌滴瀝紅斑少
恰似湘妃淚盡時

題杜司戶亭

牀頭枕是溪邊石
井底泉通竹下池
宿客未眠過夜半
獨聞

言
山房
詩
卷三
一
山雨到來時

題隱者居

雖有柴門常不關
片雲孤木伴身閒
猶嫌住久人知處
見擬移家更上山

秋夜曲

張仲素

丁丁漏水夜何長
漫漫輕雲露月光
秋逼暗蟲通夕響
征衣未寄莫飛霜

塞下曲

五首
之四

三戍漁陽再渡遼
駢弓在臂劍橫腰
匈奴似若知名姓
休傍陰山更射鵰

獵馬千行雁幾雙
燕然山下碧油幢
傳聲漠北單于破
火照

旌旗夜受降

朔雪飄飄開雁門
平沙歷亂卷蓬根
功名恥計擒生數
直斬樓蘭報國恩

陰磧茫茫塞草肥
桔槔烽上暮雲飛
交河北望天連海
蘇武曾將漢節歸

秋思二首

碧窗斜日藹深暉
愁聽寒螿淚濕衣
夢裏分明見關塞
不知何路向金微

秋天一夜靜無雲
斷續鴻聲到曉聞
欲寄征衣問消息
居延城外又移軍

閨人思

言
愁見游空百丈絲
春風惹斷更傷離
閒花落遍蒼苔地
盡日無人誰得知

漢施行二首

回雁高飛太液池
新花低發上林枝
年光到處皆堪賞
春色人間總不知

春風淡蕩景悠悠
鶯囀高枝燕入樓
千步回廊聞鳳吹
珠簾處處上銀鉤

天馬辭

躑躅宛駒齒未齊
撚金噴玉向風嘶
來時行盡金河道
獵獵輕風在碧蹄

題陽人城

呂溫

忠驅義感卽風雷誰道南方乏武才天下起兵誅董卓長沙子弟最先來

劉郎浦口號

吳蜀成婚此水潯明珠步幃幄黃金誰將一女輕天下欲換劉郎鼎峙心

題都城南莊

崔護

去年今日此門中人面桃花相映紅人面不知何處去桃花依舊笑春風

讀雪山房唐詩卷三十一終

讀雪山房唐詩卷三十二 小傳三 目錄一 詩十八

詩人小傳 廿八

嚴休復 官散騎常侍平盧節度使今鈔七絕一首

王播 字明敷其先太原人父恕爲揚州倉曹參軍遂家

焉播與弟炎起皆有文名並擢進士長慶初拜相

太和初復專政卒贈太尉今鈔七絕二首

盧殷 范陽人爲登封尉今鈔七絕一首

宋濟 德宗時人與楊衡符載同栖青城今鈔七絕一首

裴交泰 貞元間詩人詩一首

李涉 洛陽人初與弟渤同隱廬山後應陳許辟憲宗時

爲太子通事舍人尋謫峽州司倉參軍太和中爲

太學博士復流康州自號清溪子集二卷今鈔七

絕十首

柳公權

字誠懸公綽之弟精于書學元和初擢進士第穆宗時拜右拾遺侍書學士改宏文館學士文宗復召侍書尋以諫議爲學士知制誥轉工部侍郎咸通初改太子少師今鈔七絕一首

張又新

字孔昭工部侍郎薦之子元和中擢第歷左右補闕坐李逢吉黨貶江州刺史後附李訓遷刑部郎中訓死復貶申州刺史今鈔七絕一首

舒元興

婺州東陽人元和中登進士第調鄂尉裴度表掌興元書記拜監察御史再遷刑部員外郎改著作

郎分司東都李訓與元興善訓用事再遷左司郎
中御史大夫李固言表知雜事固言輔政權知御
史中丞不三月卽眞兼刑部侍郎專附鄭注月中
以本官同中書門下平章事甘露之變爲仇士良
所害今鈔七絕一首

周匡物

字幾本漳州人元和十一年進士及第仕至高州
刺史今鈔七絕一首

廖有方

交州人元和十一年進士第改名游卿官校書郎
詩一首

陳去疾

字文醫候官人元和十四年及第厯官邕管副使
今鈔七絕二首

劉虛白

竟陵人擢元和進士第今鈔七絕一首

崔郊

元和間秀才詩一首

劉魯風

九江刺史張又新客也詩一首

長孫翺

與朱慶餘同時詩一首

魏扶

太和四年進士第大中三年兵部侍郎同平章事

今鈔七絕一首

何扶

太和九年及第今鈔七絕一首

裴思謙

開成登第官衛尉卿詩一首

許瀍

開成初進士詩一首

鄭畋

字台文滎陽人會昌進士第劉瞻鎮北門辟爲從事

瞻作相薦爲翰林學士遷中書舍人乾符中以

兵部侍郎同平章事尋出爲鳳翔節度使拒巢賊有功授檢校尙書左僕射今鈔七絕一首

崔鉉

字台碩博陵人擢進士第累遷翰林學士中書舍人會昌三年拜中書侍郎同中書門下平章事與李德裕不叶罷爲陝虢觀察使宣宗初以御史大夫召進尙書左僕射兼門下侍郎尋出爲淮南節度使帝餞于太液亭賜詩寵之咸通初徙山南東道荆南二鎮封魏國公今鈔七絕一首

薛能

字太拙汾州人登會昌六年進士第大中末書判中選補盩厔尉李福鎮滑表署觀察判官歷御史都官刑部員外郎福徙西蜀奏以自副咸通中攝

嘉州刺史遷主客度支刑部郎中權知京兆尹事
授工部尚書節度徐州徙忠武廣明元年徐軍戍
澠水經許能以舊軍館之城中軍懼見襲大將周
岌乘眾疑遂能自稱畱後因屠其家能僻於詩日
賦一章有集十卷今鈔七絕五首

韓琮

字成封初爲陳許節度判官後厯中書舍人湖南
觀察使今鈔七絕四首

讀雪山房唐詩卷三十二

七絕目錄 四

章孝標四首

姚合三首

白居易廿一首

元稹六首

嚴休復一首

王播二首

劉言史四首

盧殷一首

雍裕之一首

宋濟一首

裴交泰一首

徐凝三首

李涉十首

柳公權一首

張又新一首

李紳一首

李德裕二首

楊汝士一首

陳羽一首

鮑溶二首

舒元興一首

周匡物一首

廖有方一首

陳去疾二首

施肩吾三首

劉虛白一首

周賀一首

崔郊一首

劉魯風一首

朱慶餘三首

裴夷直一首

長孫翺一首

魏扶一首

何扶一首

李郢二首

雍陶七首

裴思謙一首

許渥一首

劉得仁一首

薛逢一首

馬戴一首

孟遲一首

鄭畋一首

崔鉉一首

薛能五首

韓琮四首

崔櫓二首

李羣玉四首

讀雪山房唐詩卷三十二

七絕四

歸燕詞贈工部侍郎

一作下第
後獻主師

章孝標

舊壘危巢泥已落
今年故向社前歸
連雲大厦無棲處
更傍誰家門戶飛

夢鄉

家住吳王舊苑東
屋頭山水勝屏風
尋常夢在秋江上
釣艇游揚藕葉中

淮南李相公紳席上賦春雪

六出飛花處處飄
粘窗著砌上寒條
朱門到曉難盈尺
盡是三軍喜氣消

言言山房集卷三
一
及第後寄廣陵故人

一作寄淮南
李相公紳

及第全勝十改官
金鞍鍍了出長安
馬頭漸入揚州郭
爲報時人洗眼看

曉望華清宮

姚合

曉看樓殿更鮮明
遙隔朱欄見鹿行
武帝自知身不死
教修玉殿號長生

楊柳枝詞

五首
之一

江亭楊柳折還垂
月照深黃幾樹絲
見說隋隄枯已盡
年年行客怪春遲

窮邊詞

將軍作鎮古汧州
水膩山春節氣柔
清夜滿城絲管散
行人

不信是邊頭

奉題華陽觀

觀卽華陽公主故宅有舊內人存焉

白居易

帝子吹簫逐鳳凰
空畱仙洞號華陽
落花何處堪惆悵
頭白宮人埽影堂

得袁相書

穀苗深處一農夫
面黑頭斑手把鋤
何意使人猶識我
就田來送相公書

王昭君

漢使卻回頻寄語
黃金何日贖蛾眉
君王若問妾顏色
莫道不如宮裏時

竹枝詞

瞿塘峽口冷煙低白帝城頭月向西唱到竹枝聲咽處寒猿
閭鳥一時啼

奉酬李相公見示絕句

時初聞國喪

碧油幢下捧新詩榮賤雖殊共一悲涕淚滿襟君莫怪甘泉
侍從最多時

暮江吟

一道殘陽鋪水中半江瑟瑟半江紅可憐九月初三夜露似
眞珠月似弓

舟中讀元九詩

把君詩卷燈前讀詩盡燈殘天未明眼痛滅燈猶暗坐逆風
吹浪打船聲

憶江柳

曾栽楊柳江南岸一別江南兩度春遙憶青青江岸上不知攀折是何人

燕子樓三首

并序

徐州故張尙書有愛妓曰盼盼善歌舞雅多風態予爲校書郎時遊徐泗間張尙書宴予酒酣出盼盼以佐歡歡甚予因贈詩云醉嬌勝不得風嫋牡丹花盡歡而去爾後絕不相聞迨茲近一紀矣昨司勳員外郎張仲素續之訪予因吟新詩有燕子樓三首詞甚婉麗詰其由爲盼盼作也續之從事武寧軍累年頗知盼盼始末云尙書旣沒歸葬東洛而彭城有張氏

舊第第中有小樓名燕子盼盼念舊愛而不嫁居是樓十餘年幽獨塊然於今尙在予愛續之新詠感彭城舊遊因同其題作三絕句

滿窗明月滿簾霜被冷鐙殘拂臥牀燕子樓中霜月夜秋來只爲一人長

鈿暈羅衫色似煙幾回欲著卽潸然自從不舞霓裳曲疊在空箱十一年

今春有客洛陽回曾到尙書墓上來見說白楊堪作柱爭教紅粉不成灰

酬嚴給事

羸女偷乘鳳下時洞中潛歇弄瓊枝不緣啼鳥春饒舌青瑣

仙郎可得知

聽彈湘妃怨

玉軫朱絃瑟瑟微
吳娃徵調奏湘妃
分明曲裏愁雲雨
似道蕭蕭郎不歸

伊州

老去將何散老愁
新教小玉唱伊州
亦應不得多年聽
未教成時已白頭

元相公輓歌詞

銘旌官重威儀盛
騎吹聲繁鹵簿長
後魏帝孫唐宰相
六年七月葬咸陽

過溫尚書舊莊

白石清泉拋濟口碧幢紅旆照河陽村人都不知時事猶自呼爲處士莊

老慵

豈是交親向我疏老慵自愛閉門居近來漸喜知聞斷免惱

嵇康索報書

楊柳枝詞

雲溪友議居易有妓樊素善歌小蠻善舞嘗爲詩曰櫻桃樊素口楊柳小蠻腰年既高邁

而小蠻方豐豔因

楊柳詞以託意云

一樹春風千萬枝嫩於金色軟於絲永豐西角荒園裏盡日

無人屬阿誰

和裴令公南庄絕句

裴云野人不識中書令喚作陶家與謝家

陶廬荒陋那堪比謝墅幽微不足攀何似嵩峯三十六長隨

申甫作家山

送盧郎中赴河東裴令公幕

別時暮雨洛橋岸到日涼風汾水波
荀令見君應問我爲言
秋草閉門多

楊柳枝詞

紅板江橋青酒旗館娃宮暖日斜時
可憐雨歇東風定萬樹
千條各自垂

聞樂天授江州司馬

元稹

殘燈無焰影幢幢此夕聞君謫九江
垂死病中驚坐起暗風
吹雨入寒窗

重贈

樂人商玲瓏能
歌歌予數十詩

休遣玲瓏唱我詩我詩多是別君詞明朝又向江頭別月落潮平是去時

劉阮妻

芙蓉脂肉綠雲鬟
畫樓臺青黛山
千樹桃花萬年藥
不知何事憶人間

酬嚴給事聞玉蘂花下有遊仙

弄玉潛過玉樹時
不教春鳥出花枝
的應未有諸人覺
只有君平卜得知

離思

曾經滄海難爲水
除卻巫山不是雲
取次花叢懶回顧
半緣修道半緣君

酬孝甫見贈

十首之一

杜甫天材頗絕倫每尋詩卷似情親
憐渠直道當時語不著心源傍古人

唐昌觀玉蘂花折有仙人遊悵然成二絕

鈔一劇談錄長安安業坊

唐昌觀有玉蘂花每發若瓊林瑤樹元和中見一女子年可十七八容色婉婉從二女冠造花所伫立良久折花數枝曰曩有玉峯之期可以行矣行百許步不復見

嚴休復

羽車潛下玉龜山塵世何由覩薜顏
唯有多情枝上雪好風吹綴綠雲鬟

題木蘭院二首

王播

播少孤貧嘗客揚州惠照寺木蘭院
隨僧齋餐僧厭怠乃齋罷而後擊鐘
後二紀播自重位出鎮是邦因

訪舊遊向之題名皆以碧紗幕其詩播繼以二絕句
三十年前此院遊木蘭花發院新修如今再到經行處樹老
無花僧白頭

上堂已了各西東慚愧闍黎飯後鐘三十年來塵撲面如今
始得碧紗籠

長門怨

劉言史

獨坐鑪邊結夜愁暫時恩去亦難畱手持金筋垂紅淚亂撥
寒灰不舉頭

題十三弟竹園

繞屋扶疏聳翠莖苔滋粉漾有幽情丹陽萬戶春光靜獨自
君家秋雨聲

春遊曲

花領紅駿一向偏綠槐香陌欲朝天仍嫌眾裏嬌行疾傍韉
深藏白玉鞭

看山木瓜花

裊露凝芳紫豔新千般婉娜不勝春年年此樹花開日出盡
丹陽郭裏人

長安親故

盧殷

楚蘭不佩佩吳鉤帶酒城頭別舊遊年事已多筋力在試將
弓箭到并州

宮人斜

雍裕之

幾多紅粉委黃泥野鳥如歌又似啼應有春魂化爲燕年來

言三上房人言卷三三
飛入未央栖

東鄰美人歌

宋 濟

花暖江城斜日陰鶯啼繡戶曉雲深春風不道珠簾隔傳得
歌聲與客心

長門怨

裴交泰

自閉長門經幾秋羅衣濕盡淚還流一種蛾眉明月夜南宮
歌管北宮愁

漢宮曲

徐 凝

水色簾前流玉霜趙家飛燕侍昭陽掌中舞罷簫聲絕三十
六宮秋夜長

相思林

游客遠游新過嶺每逢芳樹問芳名長林遍是相思樹怎遣
愁人獨自行

憶揚州

蕭娘臉下難勝淚桃葉眉頭易得愁天下三分明月夜二分
無賴是揚州

竹枝詞

李涉

荆門灘急水潺潺兩岸猿啼烟滿山渡頭少年應官去月落
西陵望不還

石壁千重樹萬重白雲斜掩碧芙蓉昭君溪上年年月偏照
嬋娟色最濃

京口送朱畫之淮南

讀書山房詩卷三
六
兩行客淚愁中落萬樹山花雨後殘
君到揚州見桃葉爲傳
風水渡江難

贈夜客

暮雨蕭蕭江上村
綠林豪客夜知聞
他時不用相迴避
世上如今半是君

過襄陽上于司空頌

方城漢水舊城池
陵谷依然世自移
歇馬獨來尋故事
逢人惟說峴山碑

獻高尙書

將家難立是戎聲
不見多傳衛霍名
一自元和平蜀後
馬頭行處卽長城

潤州聽暮角

江城吹角水茫茫
曲引邊聲怨思長
驚起暮天沙上雁
海門斜去兩三行

再宿武關

遠別秦城萬里遊
亂山高下出商州
關門不鎖寒溪水
一夜潺湲送客愁

謝王連州送海陽圖

謝家爲郡實風流
畫得青山寄楚囚
驚起草堂寒氣晚
海陽潮水到牀頭

竹裏

竹裏編茅倚石根
竹莖疏處見前村
閒眠盡日無人到
自有

春風爲埽門

應制爲宮嬪詠

太平廣記云武宗嘗怒一宮嬪久之既而復召謂公權曰朕怪此人若得學士一篇當釋然矣公權略不佞思而成一絕上大說賜錦綵二百匹命宮人上前拜謝之

柳公權

不分前時忤主恩已甘寂寞守長門今朝卻得君王顧重入椒房拭淚痕

贈廣陵妓

張又新

雲雨分飛二十年當時求夢不會眠今來頭白重相見還上襄王玳瑁筵

卻望無錫芙蓉湖

李紳

丹橘村邊獨火微碧流明處雁初飛蕭條落葉垂楊岸隔水

寥寥聞擣衣

長安秋夜

李德裕

內宮傳詔問戎機
載筆金鑾夜始歸
萬戶千門皆寂寂
月中清露點朝衣

登崖州城

獨上高樓望帝京
鳥飛猶走半年程
青山似欲畱人住
百匝千遭遶郡城

建節後偶作

楊汝士

拋卻弓刀上砌臺
上方臺榭與雲開
山僧見我衣裳窄
知道新從戰地來

吳城覽古

陳羽

言言山房唐詩卷三十一
吳王舊國水煙空香徑無人蘭葉紅春色似憐歌舞地年年
爲發館娃宮

贈楊煉師

鮑溶

紫煙衣上繡春雲清隱山書小篆文明月在天將鳳管夜深
吹向玉晨君

漢宮詞

月映東窗似玉輪未央前殿絕聲塵宮槐花落西風起鸚鵡
驚寒夜喚人

贈李翱

李翱在潭州席上有舞柘枝者顏色憂悴殷堯
藩侍御當筵贈詩曰姑蘇太守青娥女流落長
沙舞柘枝滿座綉衣皆不識可憐紅臉淚雙垂翱詰其
事乃故蘇臺韋中丞愛姬所生之女也曰妾以昆弟天
折委身樂部恥辱先人言訖涕咽情不能堪亞相爲吁
歎且曰吾韋族姻舊速命更其舞服飾以袿襦延與韓

夫人相見顧其言語清楚宛有冠蓋風儀遂於賓榻中選士而嫁之元輿聞之自京馳詩贈別

舒元輿

湘江舞罷忽成悲
便脫蠻靴出絳帷
誰是蔡邕琴酒客
魏公懷舊嫁文姬

應舉題錢塘公館

周匡物

萬里茫茫天塹遙
秦皇底事不安橋
錢塘江口無錢過
又阻西陵兩信潮

窆旅逝者

廖有方

嗟君沒世委空囊
幾度勞心翰墨場
半面爲君申一慟
不知何處是家鄉

塞下曲

陳去疾

言山房唐詩卷三
二
春至金河雪似花
蕭條玉塞但胡沙
曉來重上關城望
惟見驚塵不見家

西上辭母墳

高蓋山頭月影微
黃昏獨立宿禽稀
林間滴酒空垂淚
不見丁寧囑早歸

山中得劉秀才京書

施肩吾

自笑家貧客到疏
滿庭煙草不能鋤
今朝誰料三千里
忽得劉公一紙書

望夫詞

手執寒鐙向影頻
回文機上暗生塵
自家夫婿無消息
卻恨橋頭賣卜人

春日錢塘雜興

西鄰年少問東鄰
柳岸花隄幾處新
昨夜雨多春水闊
隔江桃葉喚何人

獻主文

虛白與盧坦交友坦主文
虛白於簾前獻一絕云

劉虛白

二十年前此夜中
一般燈燭一般風
不知歲月能多少
猶著麻衣待至公

憶潯陽舊居兼感長孫郎中

周賀

潯陽卻到是何日
此地今無舊使君
長憶窮冬宿廬嶽
瀑泉冰折共僧聞

有贈

崔郊

公子王孫逐後塵
綠珠垂淚滴羅巾
侯門一入深如海
從此

蕭郎是路人

江南投謁所知

劉魯風

萬卷書生劉魯風
煙波萬里謁文翁
無錢乞與韓知客
名紙毛生不爲通

宮詞

朱慶餘

寂寂花時閉院門
美人相並立瓊軒
含情欲說宮中事
鸚鵡前頭不敢言

公子行

閑從結客冶遊時
忘卻紅樓薄暮期
醉上黃金隄上去
馬鞭捎斷綠楊絲

近試上張籍水部

一作閨意
上張水部

洞房昨夜停紅燭待曉堂前拜舅姑妝罷低聲問夫婿畫眉
深淺入時無

寄杭州崔使君

裴夷直

朝下歸來只閉關羨君高步出人寰三年不見塵中事滿眼
江濤送雪山

宮詞

長孫翺

一道甘泉接御溝上皇行處不曾秋誰言水是無情物也到
宮前咽不流

貢院題

魏扶

梧桐葉落滿庭陰鎖閉朱門試院深曾是昔年辛苦地不將
今日負初心

言雪山房集卷三十三
寄舊同年

何扶

金榜題名墨尚新今年依舊去年春花間
每被紅妝問何事
重來只一人

題惠山

李郢

乳洞陰陰碧澗連杉松六月冷無蟬黃昏飛盡白蝙蝠
茶火
數星山寂然

宿杭州虛白堂

缺月斜明虛白堂寒蛩唧唧樹蒼蒼江風徹曉不得睡
二十
五聲秋點長

韋處士郊居

雍陶

滿庭詩境飄紅葉繞砌琴聲滴暗泉門外晚晴秋色老萬條

寒玉一溪煙

西歸出斜谷

行過險棧出褒斜出盡平川似到家
萬里客愁今日散馬前初見米囊花

宿嘉陵驛

離思茫茫正值秋每因風景卻生愁
今宵難作刀州夢月色江聲共一樓

送蜀客

劍南風景臘前春山鳥江風得雨新
莫怪送君行較遠自緣身是憶歸人

和孫明府懷舊山

言雪山房集卷三
五柳先生本在山偶然爲客落人間秋來見月多歸思自起
開籠放白鷗

城西訪友人別墅

澧水橋西小路斜日高猶未到君家村園門戶多相似處處
春風枳殼花

天津橋望春

津橋春水浸紅霞煙柳風絲拂岸斜翠輦不來金殿閉宮鶯
銜出上陽花

及第後宿平康里

裴思謙

銀缸斜背解鳴璫小語偷聲賀玉郎從此不知蘭麝貴夜來
新染桂枝香

紀夢

一作夢入瓊臺守三日蹶起取筆大書于壁第二句云坐中惟有

逸史漚游河中忽大病親友環

許飛瓊明日驚起又取筆改第二句兀然如醉良久漸言曰昨夢到瑤臺有仙女三百餘人一人自云許飛瓊

遣賦詩及成又令改曰不欲世間人知有我也既畢甚被賞歎若有人引得回

許 漚

晚入瑤臺露氣清
天風飛下步虛聲
塵心未盡俗緣在
十里

下山空月明

悲老宮人

劉得仁

白髮宮娃不解悲
滿頭猶是插花枝
曾緣玉貌君王寵
準擬人看似舊時

題黃花驛

薛 逢

孤戍迢迢蜀路長
鳥鳴山館客思鄉
更看絕頂煙霞外
數樹巖花照夕陽

出塞詞

馬戴

金帶連環束戰袍
馬頭衝雪渡臨洮
卷旗夜劫單于帳
亂斫胡兒缺寶刀

還淮卻寄睢陽

孟遲

梁王池苑已蒼然
滿樹斜陽極浦煙
盡日回頭看不見
兩行愁淚上南船

金鑾坡上南望

鄭畋

玉晨鐘韻上清虛
畫戟祥煙拱帝居
極眼向南無限地
綠煙深處認中書

韓晉公座上詠架上鷹

崔鉉

天邊心膽架頭身
欲擬飛騰未有因
萬里碧霄終一去
不知

誰是解絲人

黃蜀葵

薛能

嬌黃新嫩欲題詩
盡日含豪有所思
記得玉人初病起
道家妝束厭禳時

影鐙夜

一作上元詩

偃王燈塔古徐州
二十年來樂事休
此日將軍心似海
四更身領萬人遊

省試夜

一作韋承貽詩

白蓮千朵照廊明
一片承平雅頌聲
更報第三條燭盡
文昌風景畫難成

老圃堂

一作曹鄴詩

邵平瓜地接吾廬
穀雨乾時偶自鋤
昨日春風欺不在
就牀吹落讀殘書

宮詞

畫燭燒蘭暖復迷
殿幃深密下銀泥
開門欲作侵晨散
已是明朝日向西

暮春滄水送別

韓琮

綠暗紅稀出鳳城
暮雲樓閣古今情
行人莫聽宮前水
流盡年光是此聲

楊柳枝

梁苑隋隄事已空
萬條猶舞舊春風
那堪更想千年後
誰見

楊花入漢宮

永豐坊柳和樂天

折柳歌中得翠條
遠移金殿種青霄
上陽宮女吞聲送
不忿先歸舞細腰

楊柳枝詞

枝鬪纖腰葉鬪眉
春來無處不如絲
霸陵原上多離別
少有長條拂地垂

華清宮

崔櫓

草遮回磴絕鳴鑾
雲樹深深碧殿寒
明月自來還自去
更無人倚玉闌干

殘蓮花

不耐高風怕冷煙
瘦紅欹委倒青蓮
無人解把無塵袖
盛取

詞雪山房集卷三十一
殘香盡日憐

漢陽太白樓

李羣玉

江上層樓翠靄間
滿簾春水滿窗山
青楓綠草將愁去
遠入吳雲暝不還

寄友

二首之一

野水晴山雪後時
獨行村落更相思
無因一向溪頭醉
處處寒梅映酒旗

黃陵廟

一作李遠詩

黃陵廟前莎草春
黃陵女兒茜裙新
輕舟短櫂唱歌去
水遠山長愁殺人

江南

鱗鱗別浦起微波
汎汎輕舟桃葉歌
斜雪北風何處宿
江南一路酒旗多

讀雪山房唐詩卷三十三終

讀雪山房唐詩卷三十三 小傳二 目錄一 詩二十

詩人小傳 廿九

段成式

字柯古河南人世客荊州宰相文昌之子也以蔭

爲校書郎研精苦學秘閣書籍披閱皆遍歷尚書

太常少卿連典九江縉雲廬陵三郡坐累退居襄

陽集七卷今鈔七絕三首

崔珏

字夢之嘗寄家荊州登大中進士第由幕府拜秘

書郎爲淇縣令有惠政官至侍郎今鈔七絕一首

儲嗣宗

大中十三年登進士第今鈔七絕一首

司馬扎

大中時詩人今鈔七絕一首

高駢

字千里南平郡王崇文之孫家世禁衛幼頗修飾

折節爲文學初事朱叔明爲司馬後厯右神策軍
都虞侯秦州刺史咸通中拜安南都護進檢校刑
部尙書以都護府爲靜海軍授駢節度爲諸道行
營招討使僖宗立加同中書門下平章事遷劍南
西川節度進檢校司徒封燕國公徙荆南節度加
諸道行營都統鹽鐵轉運等使俄徙淮南節度副
大使廣明初進檢校太尉東面都統京西京北神
策諸道兵馬等使封渤海郡王爲部將畢師鐸所
害今鈔七絕二首

李拯

字昌時隴西人咸通中登第僖宗朝累官考功郎
知制誥僞愍僭號逼爲翰林學士愍敗爲亂兵所

殺詩一首

讀雪山房唐詩卷三十三

七絕目錄 五

李商隱卅五首

溫庭筠十一首

杜牧廿四首

許渾五首

張祐十六首

趙嘏五首

段成式三首

崔珣一首

儲嗣宗一首

司馬扎一首

高駢二首

李拯一首

張喬三首

唐彥謙六首

周樸一首

章碣二首

皮日休二首

司空圖七首

韓偓七首

吳融五首

韋莊四首

讀雪山房唐詩卷三十三

七絕 五

華山題王母祠

李商隱

蓮花峯下鎖雕梁
此去瑤池地共長
好爲麻姑到東海
勸栽黃竹莫栽桑

北齊二首

一笑相傾國便亡
何勞荆棘始堪傷
小憐玉體橫陳夜
已報周師入晉陽

巧笑知堪敵萬幾
傾城最在著戎衣
晉陽已陷休回顧
更請君王獵一圍

渾河中

渾瑊與李晟同平朱泚德宗還宮以瑊爲河中尹

言雪山房詩卷三
九廟無塵八馬回奉天城壘長春苔咸陽原上英雄骨半向
君家養馬來

咸陽

咸陽宮闕鬱嵯峨六國樓臺豔綺羅自是當時天帝醉不關
秦地有山河

夜雨寄北

君問歸期未有期巴山夜雨漲秋池何當共翦西窗燭卻話
巴山夜雨時

宿駱氏亭寄懷崔雍崔衮

竹塢無塵水檻清相思迢遞隔重城秋陰不散霜飛晚畱得
枯荷聽雨聲

寄令狐郎中

嵩雲秦樹久離居
雙鯉迢迢一紙書
休問梁園舊賓客
茂陵秋雨病相如

杜司勳

牧

高樓風雨感斯文
短翼差池不及羣
刻意傷春復傷別
人間惟有杜司勳

漢宮詞

青雀西飛竟未迴
君王長在集靈臺
侍臣最有相如渴
不賜金莖露一杯

端居

遠書歸夢兩悠悠
只有空牀敵素秋
階下青苔與紅樹
雨中

言言山房詩卷三
二
寥落月中愁

青陵臺

青陵臺畔日光斜
萬古貞魂倚暮霞
莫許韓憑爲蛺蝶
等閑飛上別枝花

漢宮

通靈夜醮達清晨
承露盤晞甲帳春
王母不來方朔去
更須重見李夫人

讀任彥昇碑

任昉當年有美名
可憐才調最縱橫
梁臺初建應惆悵
不得蕭公作騎兵

畱贈畏之

待得郎來月已低寒暄不道醉如泥五更又欲向何處騎馬
出門烏夜啼

月

過水穿簾觸處明藏人帶樹遠含情初生欲缺虛惆悵未必
圓時卽有情

漫成

五首
之一

郭令素心非黷武韓公本意在和戎兩都耆舊偏垂淚臨老
中原見朔風

四皓廟

本爲畱侯慕赤松漢庭方識紫芝翁蕭何只解追韓信豈得
虛當第一功

贈宇文中丞

欲構中天正急材自緣煙水戀平臺人間只有嵇延祖最望

山公啓事來

原注公盛歎亡友張君故有此句

離亭賦得折楊柳

樂府詩題作楊柳枝

暫憑樽酒送無慘莫損愁眉與細腰人世死前惟有別春風
爭擬惜長條

宮妓

珠箔輕明拂玉墀披香新殿鬪腰肢不須看盡魚龍戲終遣
君王怒偃師

宮詞

君恩如水向東流得寵憂移失寵愁莫向樽前奏花落涼風

只在殿西頭

代贈

樓上黃昏欲望休
玉梯橫絕月中鉤
芭蕉不展丁香結
同向春風各自愁

瑤池

瑤池阿母綺窗開
黃竹歌聲動地哀
八駿日行三萬里
穆王何事不重來

寄在朝鄭曹獨孤李四同年

昔歲陪遊舊跡多
風光今日雨蹉跎
不因醉本蘭亭在
兼忘當年舊永和

南朝

地險悠悠天險長金陵王氣應瑤光休誇此地分天下只得
徐妃半面妝

韓冬郎卽席爲詩相送一座盡驚他日余方追吟連宵
侍坐裴回久之句有老成之風因成二絕寄酬兼呈畏

之員外

二首
之一

十歲裁詩走馬成冷灰殘燭動離情桐花萬里丹山路雛鳳
清於老鳳聲

送鄭大台文南覲

鄭畋

黎辟灘聲五月寒南風無處附平安君懷一匹胡威絹爭拭
酬恩淚得乾

驪山有感

驪岫飛泉泛暖香
九龍呵護玉蓮房
平明每幸長生殿
不從金輿惟壽王

亂石

虎踞龍蹲縱復橫
星光漸滅雨痕生
不須并礙東西路
哭殺廚頭阮步兵

龍池

龍池賜酒敞雲屏
羯鼓聲高眾樂停
夜半宴歸宮漏永
薛王沈醉壽王醒

常娥

雲母屏風燭影深
長河漸落曉星沈
常娥應悔偷靈藥
碧海青天夜夜心

槿花

風露淒淒秋景繁可憐榮落在朝昏
未央宮裏三千女但保紅顏莫保恩

訪人不遇畱別館

卿卿不惜鎖窗春去作長楸走馬身
閑倚繡簾吹柳絮日高深院斷無人

賈生

宣室求賢訪逐臣賈生才調更無倫
可憐夜半虛前席不問蒼生問鬼神

車駕西遊因而有作

溫庭筠

宣曲長楊瑞氣凝上林狐兔待秋鷹
誰將詞賦陪雕輦寂寞

相如臥茂陵

蔡中郎墳

古墳零落野花春
聞說中郎有後身
今日愛才非昔日
莫拋心力作詞人

彈箏人

天寶年中事玉皇
曾將新曲教寧王
鈿蟬金雁今零落
一曲伊州淚萬行

瑤瑟怨

冰簟銀牀夢不成
碧天如水夜雲輕
雁聲遠過瀟湘去
十二樓中月自明

經故翰林袁學士居

詞譜卷三十三
六
劍逐驚波玉委塵謝安門下更何人
西州城外花千樹盡是
羊曇醉後春

夜看牡丹

高低深淺一闌紅把火殷勤遶露叢
希逸近來成嬾病不能
容易向春風

宿城南亡友別墅

水流花落歎浮生又伴遊人宿杜城
還似昔年殘夢裏透簾
斜月獨聞鶯

春日雨

細雨濛濛入絳紗湖亭寒食孟珠家
南朝漫自稱流品宮體
何曾爲杏花

鄠杜郊居

槿籬芳杜近樵家
隴麥青青一逕斜
寂寞遊人寒食後
夜來風雨送梨花

楊柳

八首之一

館娃宮外鄴城西
遠映征帆近拂隄
繫得王孫歸意切
不關春草綠萋萋

南歌子詞

二首之一

井底點燈深燭伊
共郎長行莫圍碁
玲瓏骰子安紅豆
入骨相思知不知

過勤政樓

杜牧

千秋令節名空在
承露絲囊世已無
惟有些苔偏得意
年年

因雨上金鋪

念昔遊

十載飄然繩檢外
樽前自獻自爲酬
秋山春雨閑吟處
倚徧江南寺寺樓

過華清宮絕句

長安回望繡成堆
山頂千門次第開
一騎紅塵妃子笑
無人知是荔枝來

將赴吳興登樂遊原一絕

清時有味是無能
閑愛孤雲靜愛僧
欲把一麾江海去
樂遊原上望昭陵

江南春絕句

千里鶯啼綠映紅
水村山郭酒旗風
南朝四百八十寺
多少樓臺煙雨中

齊安郡中偶題

兩竿落日溪橋上
半縷輕煙柳影中
多少綠荷相倚恨
一時回首背西風

題禪院

觥船一櫂百分空
十歲青春不負公
今日髣髴禪榻畔
茶煙輕颺落花風

赤壁

一作李商隱詩

折戟沈沙鐵未銷
自將磨洗認前朝
東風不與周郎便
銅雀春深鎖二喬

泊秦淮

煙籠寒水月籠沙
夜泊秦淮近酒家
商女不知亡國恨
隔江猶唱後庭花

題桃花夫人廟

細腰宮裏露桃新
脈脈無言度幾春
至竟息亡緣底事
可憐

金谷墜樓人

題烏江亭

勝敗兵家事不期
包羞忍辱是男兒
江東子弟多才俊
卷土重來未可知

寄揚州韓綽判官

青山隱隱水迢迢
秋盡江南草木凋
二十四橋明月夜
玉人

何處教吹簫

鄭瓘協律

廣文遺韻畱樗散雞犬圖書共一船
自說江湖不歸事阻風
中酒過年年

登樂遊原

長空澹澹孤鴻沒萬古銷沈向此中
看取漢家何事業五陵
無樹起秋風

南陵道中

南陵水面漫悠悠風緊雲輕欲變秋
正是客心孤迥處誰家
紅袖凭高樓

宮詞

監宮引出暫開門隨例須朝不是恩銀鑰卻收金鎖合月明
花落又黃昏

遣懷

落魄江南載酒行楚腰腸斷掌中輕十年一覺揚州夢贏得
青樓薄倖名

贈終南蘭若僧

北闕南山是故鄉兩枝仙桂一時芳休公都不知名姓始覺
禪門氣味長

山行

遠上寒山石徑斜白雲生處有人家停車坐愛楓林晚霜葉
紅于二月花

贈獵騎

已落雙鵬血尙新鳴鞭走馬又翻身憑君莫射南來雁恐有
家書寄遠人

秋夕

紅燭秋光冷畫屏輕羅小扇撲流螢天階夜色涼如水臥看
牽牛織女星

金谷園

繁華事散逐香塵流水無情草自春日暮東風怨啼鳥落花
猶似墮樓人

華清宮

零葉翻紅萬樹霜玉蓮開葉暗泉香行雲不下朝元閣一曲

淋鈴淚數行

悵詩

牧佐宣城幕遊湖州刺史崔君張水嬉使州人畢觀令牧閑行閱奇麗得垂髻者十餘歲後十四年

牧刺湖州其人已嫁

生子矣乃悵而爲詩

自是尋春去較遲不須惆悵怨芳時狂風落盡深紅色綠葉

成陰子滿枝

謝亭送別

許渾

勞歌一曲解行舟紅葉青山水急流日暮酒醒人已遠滿天
風雨下西樓

客有卜居不遂薄遊汧隴因題

海燕西飛白日斜天門遙望五侯家樓臺深鎖無人到落盡

春風第一花

經故太尉段公廟

靜想追兵緩翠華
古碑荒廟閉松花
紀生不向滎陽死
爭有山河屬漢家

途經秦始皇墓

龍盤虎踞樹層層
楚炬銷來牧火興
一種青山秋草裏
路人惟拜漢文陵

聽唱山鷓鴣

金谷歌傳第一流
鷓鴣清怨碧煙愁
夜來省得曾聞處
萬里月明湘水秋

瓜州聞曉角

張祐

寒耿星稀照碧霄
月樓吹角夜江遙
五更人起煙霜靜
一曲

殘聲送落潮

邠王小管

號國潛行韓國隨宜春深院映花枝金輿遠幸無人見偷把
邠王小管吹

讀池州杜員外杜秋孃詩

年少多情杜牧之風流仍作杜秋詩可知不是長門閉也得
相如第一詞

折楊柳枝

凝碧池邊斂翠眉景陽樓下綰青絲那勝妃子朝元閣玉手
和煙弄一枝

華清宮

紅樹蕭蕭閣半開
上皇曾幸此宮來
至今風俗驪山下
村笛猶吹阿濫堆

郵亭殘花

雲暗山橫日欲斜
郵亭下馬對殘花
自從身逐征西府
每到花時不在家

集靈臺

一作杜甫詩

虢國夫人承主恩
平明騎馬入宮門
卻嫌脂粉污顏色
淡掃蛾眉朝至尊

阿鵲湯

月照宮城紅樹芳
綠窗燈影在雕梁
金輿未到長生殿
妃子偷尋阿鵲湯

詩集山房集卷三十三
雨霖鈴

雨霖鈴夜卻歸秦猶見張徽一曲新長說上皇和淚教月明
南內更無人

聽箏

十指纖纖玉筍紅雁行輕過翠絃中分明似說長城苦水咽
雲寒一夜風

峯頂寺

月明如水山頭寺仰面看天石上行夜半深廊人語定一枝
松動鶴來聲

題金陵渡

金陵津渡小山樓一宿行人自可愁潮落夜江秋月裏兩三

星火是瓜州

贈李修源

一作送溫飛卿赴方城

岳陽新尉曉衙參，卻是傍人意未甘。
昨夜與君思賈誼，長沙猶在洞庭南。

孟才人歎

偶因歌態詠嬌嚬，傳唱宮中十二春。
卻爲一聲河滿子，下泉須弔舊才人。

破陣樂

秋來四面足風沙，塞外征人暫別家。
千里不辭行路遠，時光早晚到天涯。

楓橋

又見杜牧集題云懷吳中馮秀才

長洲苑外草蕭蕭，卻算游程歲月遙。
惟有別時今不忘，暮煙疏雨過楓橋。

長信宮

一作孟遲詩

趙嘏

君恩已盡欲何歸，猶有殘香在舞衣。
自恨身輕不如燕，春來長繞御簾飛。

贈張濱榜頭被駁落

莫向花前泣酒杯，謫仙依舊是仙才。
猶堪與世爲祥瑞，曾到蓬山頂上來。

經汾陽舊宅

門前不改舊山河，破虜曾輕馬伏波。
今日獨經歌舞地，古槐疏冷夕陽多。

江樓舊感

獨上江樓思渺然
月光如水水如天
同來望月人何處
風景依稀似去年

僧舍

溪上禪關水木間
水南山色與僧閑
春風盡日無來客
幽磬一聲高鳥還

觀碁

一作溫
庭筠詩

段成式

閑對楸枰傾一壺
黃華坪上幾成盧
他時謁帝銅池曉
便賭宣城太守無

嘲飛卿

七首
之一

醉袂幾侵魚子纈
飄纓長罥鳳凰釵
知君欲作閑情賦
應願

將身作錦鞵

折楊柳

一作王貞白
詩七首之一

枝枝交影鎖長門
嫩色曾沾雨露恩
鳳輦不來春欲盡
空畱鶯語到黃昏

席間詠琴客

崔珏

七條絃上五音寒
此藝知音自古難
惟有開元房太尉
始終憐得董庭蘭

小樓

儲嗣宗

松杉風外亂山青
曲几焚香對石屏
記得去年春雨後
燕泥時污太元經

宮怨

司馬扎

柳色參差掩畫樓
曉鶯啼送滿宮愁
年年花落無人見
空逐春泉出御溝

山亭夏日

高駢

綠樹陰濃夏日長
樓臺倒影入池塘
水精簾動微風起
滿架薔薇一院香

聞河中王鐸加都統

煉汞燒鉛四十年
至今猶在藥鑪前
不知子晉緣何事
只學吹簫便得仙

退朝望終南山

李拯

紫宸朝罷綴鴛鸞
丹鳳樓前駐馬看
惟有終南山色在
晴明依舊滿長安

稽山有謝敷

垂柳

絆惹春風別有情
世間誰敢鬪輕盈
楚王江畔無端種
餓損纖腰學不成

鄧艾廟

昭烈遺黎死尙羞
揮刀斫石恨譙周
如何千載畱遺廟
血食巴山伴武侯

曲江春望

杏豔桃嬌奪晚霞
樂遊無廟有年華
漢朝冠蓋皆陵墓
十里宜春漢苑花

仲山

高祖兄仲
隱居之所

言雪山房唐詩卷三十三
千載遺踪寄薜蘿
沛中鄉里舊山河
長陵亦是閑邱隴
異日誰知與仲多

長溪秋望

柳短莎長溪水流
雨微煙暝立溪頭
寒鴉閃閃前山去
杜曲黃昏獨自愁

塞上曲

周樸

一陣風來一陣沙
有人行處沒人家
黃河九曲冰先合
紫塞三春不見花

焚書坑

章碣

竹帛煙銷帝業虛
關河空鎖祖龍居
坑灰未冷山東亂
劉項原來不讀書

東都望幸

紀事云高湘侍郎南遷歸闕途次連江連州邵安石以所業獻遂挈至輦下湘主文安石

擢第碣賦東都望幸刺之

懶修珠翠上高臺眉月連娟恨不開縱使東巡也無益君王

自領美人來

酒病偶作

皮日休

鬱林步帳晝遮明一炷濃香養病醒何事晚來還欲飲隔牆

聞賣蛤蜊聲

友人許惠酒以詩徵之

野客蕭然訪我家霜威白菊兩三花子山病起無餘事只望

蒲臺酒一車

浪淘沙

司空圖

不必長漂玉洞花曲中偏愛浪淘沙黃河卻勝天河水萬里
縈紆入漢家

有感

國事皆須救未然漢家高閣漫凌煙功臣盡遣詞人贊不省
滄洲畫魯連

華下

故國春歸未有涯小欄高檻別人家五更惆悵回孤枕猶自
殘燈照落花

贈日東鑒禪師

故國無心度海潮老禪方丈倚中條夜深雨絕松堂靜一點
飛螢照寂寥

狂題十八首之一

昨日流鶯今日蟬
起來又是夕陽天
六龍飛轡長相窘
更忍乘危自著鞭

漫書五首之一

長擬求閑未得閑
又勞行役出秦關
逢人漸覺鄉音異
卻恨鶯聲似故山

題裴晉公華嶽廟題名

嶽前大隊赴淮西
從此中原息戰輦
石闕莫教苔蘚上
分明認取晉公題

觀鬪雞偶作

韓偓

何曾解報稻梁恩
金距花冠氣過雲
白日梟鳴無意問
惟將

讀書山房詩卷三
六
芥羽害同羣

寄鄰莊道侶

聞說經旬不啓關
藥窗誰伴醉開顏
夜來雪壓村前竹
賸見溪南幾尺山

已涼

碧闌干外繡簾垂
猩血屏風畫折枝
八尺龍鬚方錦褥
已涼天氣未寒時

宮詞

繡裙斜立正銷魂
侍女移鐙掩殿門
燕子不歸花著雨
春風應是怨黃昏

新上頭

學梳鬆髻試新裙消息佳期在此春爲要好多心轉惑偏將
宜稱問傍人

夕陽

花前灑淚臨寒食醉裏回頭問夕陽不管相思人老盡朝朝
容易下西窗

醉著

萬里清江萬里天一村桑柘一村煙漁翁醉著無人喚過午
醒來雪滿船

金陵懷古

吳融

玉樹聲沈戰檻收萬家冠蓋入中州祗應江令偏惆悵頭白
歸來是客遊

陳琳墓

冀州飛檄傲英雄卻把文辭事鄴宮縱道筆端由我得九泉
何面見袁公

王母廟

鸞龍一夜降崑邱遺廟千年枕碧流賺得武皇心力盡忍看
煙草茂陵秋

楊花

不鬪穠華不占紅自飛清野雪濛濛百花長恨風吹落惟有
楊花獨愛風

阿對泉

自註阿對是楊伯起家僮
嘗引泉灌蔬泉至今存

六載抽毫侍禁闈可堪衰病決然歸五陵年少如相問阿對

泉頭一布衣

古離別

韋莊

晴煙漠漠柳毵毵
不那離情酒半酣
更把玉鞭雲外指
斷腸春色在江南

臺城

江雨霏霏江草齊
六朝如夢鳥空啼
無情最是臺城柳
依舊煙籠十里隄

送人歸上國

送君江上日西斜
泣向江邊滿樹花
若見青雲舊相識
爲言流落在天涯

立春日作

九重天子去蒙塵御柳無情依舊春今日不關妃妾事始知
辜負馬嵬人

讀雪山房唐詩卷三十四 小傳六 目錄二 詩十九

詩人小傳 三十

胡曾 邵陽人咸通中進士不第嘗爲漢南從事安定集

十卷詠史三卷今鈔七絕一首

羅虬

台州人詞藻富麗與隱鄴齊名世號三羅累舉不第爲鄞州從事比紅兒詩百首今鈔一首

程賀

中和二年登進士第詩一首

溫憲

庭筠之子登進士第光啓中爲山南從事今鈔七

絕一首

高蟾

河朔人乾符三年登進士第乾寧間爲御史中丞

今鈔七絕二首

狄歸昌

官侍郎光化中歷尙書左丞詩一首

盧汝弼

登進士第以祠部員外郎知制誥從昭宗遷洛後依李克用克用表爲節度副使今鈔七絕四首

王駕

字大用河中人大順元年登進士第仕至禮部員外郎自號守素先生集六卷今鈔七絕三首

王渙

字羣吉大順二年登第官考功員外郎今鈔七絕一首

翁承贊

字文堯閩人乾寧二年登進士第又擢宏詞科任京兆府參軍天祐元年以右拾遺受詔冊王審知爲王梁開平四年復爲閩王冊禮副使尋擢諫議大夫福建鹽鐵副使就加左散騎常侍御史大夫

畱相閩卒今鈔七絕一首

徐 夔 字昭夢莆田人登乾寧進士第授秘書省正字依

王審知禮待簡略遂拂衣去歸隱延壽溪著有探
龍釣磯二集今鈔七絕一首

錢 珣 字瑞文吏部尙書徽之子善文詞宰相王溥薦知
制誥進中書舍人後貶撫州司馬有舟中錄二十

卷今鈔七絕一首

孫 棨 字文威自號無爲厯官御史翰林學士中書舍人
今鈔七絕二首

任 翻 唐末人詩集一卷今鈔七絕三首

李九齡 洛陽人唐末進士入宋登乾德二年進士第三人

今鈔七絕一首

孫光憲

字孟文陵州人爲荆南高從誨書記歷檢校秘書
兼御史大夫有集五十餘卷今鈔七絕二首

黃子野

無攷今鈔七絕二首

孟賓于

字國儀連州人天福九年登第還鄉爲馬氏從事
後歸南唐爲塗陽令坐繫赦歸後主起爲水部員
外致仕初居吉州玉笥山自號羣玉峰叟有金鰲
集二卷今鈔七絕一首

唐溫如

無考今鈔七絕一首

王偃

無考今鈔七絕一首

吉師老

無考今鈔七絕一首

元和子舉

無考七絕一首

宋元素

高陵縣民詩一首

江妃

名采蘋莆田人開元時高力士選歸侍明皇大見寵幸善屬文自比謝女所居悉植梅花帝因其所好戲名梅妃今鈔七絕一首

孫氏

樂昌人進士孟昌期妻也善詩每代夫作一日忽曰才思非婦人事遂焚其集今鈔七絕一首

竇梁賓

夷門人盧東表侍兒也今鈔七絕一首

紅綃妓

大厯中勳臣家妓也勳臣疾崔生往省勳臣令妓送出院妓指鏡隱語家奴磨勒曰此可致也夜負生逾重垣入其院見妓獨坐吟詩遂負生與妓俱

出守禦無有覺者詩一首

晁采

小字試鶯大厯時人少與鄰生文茂約爲伉儷及長茂時寄詩通情采以蓮子達意墜一於盆踰旬開花並蒂茂以報采乘間歡合母得其情歎曰才子佳人自應有此遂以采歸茂今鈔七絕一首

劉媛

無考今鈔七絕一首

葛鵲兒

無考今鈔七絕一首

劉妻

元載

詩一首

京兆子

女

唐末人詩一首

關盼盼

徐州妓也張建封納之張歿獨居彭城故燕子樓

厯十餘年白居易贈詩諷其死盼盼得詩泣曰妾

非不能死恐我有從死之妾玷清範耳乃和白
詩旬日不食而卒詩三首

武昌妓

無考詩一首

張窈窕

寓居于蜀當時詩人雅相推重今鈔七絕一首

徐月英

江淮間妓也有集行世今鈔七絕一首

魚元機

字幼微長安里家女喜讀書有才思補闕李億納

爲妾愛衰遂從冠帔於咸宜觀後以笞殺女童緣

翹事爲京兆溫璋所戮今鈔七絕一首

懷素

京兆人姓范從玄奘法師出家上元三年詔住西

太原寺尋歸西京以草書名今鈔七絕一首

景雲

善草書與岑參同時七絕一首

無悶

無考七絕一首

天竺

牧童

僧圓澤後身詩一首

許碣

高陽人累舉不第學道于王屋周游名山洞府到

處於石崖峭壁人不及處題云許碣自峨嵋山尋

偃月子到此筆蹤神異竟未詳偃月子也游廬江

醉吟一詩人皆笑爲風狂後插花作舞上酒樓醉

歌昇仙去七絕一首

吳彩鸞

鍾陵西山館中秋游女甚盛太和末有書生文簫

覩一妹甚妙相盼不去復爲山歌歌能穿大松徑

捫山險上升生躡其踪妹相引至絕頂忽風雨有

仙童持天判云吳彩鸞私慾謫爲民妻一紀乃與

生下山歸松陵七絕一首

鄭鋒

宅神

自言姓滕名傳胤京兆萬年人七絕二首

廣利

王女

長慶中進士張無頗游番禺有善易袁大娘者與之玉龍膏一合教其立標治疾可獲名姝無頗依教果有黃衣將廣利王命邀治貴主疾出膏令吞之立愈貴主與之目成辭歸月餘遣青衣送紅箋詩二首頃之主有疾如初王復召無頗治因以女歸之遣還人間居韶陽後恐人疑訝去不知所適無頗常詰妻袁大娘何人乃袁天綱女程先生妻也七絕二首

邵謁

韶州翁源人少爲縣吏令怒逐去遂截髻著縣門

發憤讀書工古調釋褐赴官不知所終謁讀書堂
距翁源縣十餘里歿後縣民祀神巫持幘自舞忽
自稱邵先輩降縣民卽曰邵先輩異時號工歌詠
者能強爲我賦詩乎以爲巫妄言欲苦之耳巫略
不經思卽成二十八字詞韻淒苦雖老筆不逮鄉
老中曉聲病者至爲感泣咨歎七絕一首

陳宮

妃嬪

會昌中進士顏濬下第游廣陵同載有青衣年二
十許自云姓趙名幼芳臨別期之中元游瓦官閣
當一會神仙中人濬如言果往見美人及幼芳亦
在美人言家在清溪邀濬過之則陳朝張麗華也
須臾孔貴嬪亦來問幼芳乃是麗華侍兒後爲隋

宮御女死於江都之亂者命酒賦詩濬因畱與麗
華同寢達曙而別尋其處地近清溪乃陳朝宮人
墓濬慘惻而返詩四首

讀雪山房唐詩卷三十四

七絕目錄六

陸龜蒙六首

曹唐一首

來鵠一首

胡曾一首

方干一首

鄭谷六首

崔塗四首

羅鄴五首

羅隱四首

羅虬一首

程賀一首

溫憲一首

高蟾二首

狄歸昌一首

盧汝弼四首

王駕二首

王渙一首

杜荀鶴三首

翁承贊一首

徐寅一首

錢珝一首

崔道融二首

曹松一首

李洞三首

孫棨二首

任翻三首

李九齡一首

孫光憲二首

黃子野二首

孟賓于二首

陳陶六首

唐溫如一首

王偃一首

吉師老一首

元和舉子一首

宋元素一首

失名一首

無名氏廿一首

武后一首

江妃一首

孫氏一首

竇梁賓一首

紅綃妓一首

晁采一首

劉媛一首

葛鵲兒一首

劉元載妻一首

京兆女子一首

關盼盼三首

武昌妓一首

張窈窕一首

徐月英一首

薛濤六首

魚元機一首

懷素一首

靈一一首

皎然二首

清江一首

法振一首

景雲一首

齊 已二首

無 悶一首

天竺牧童二首

許 碣一首

吳彩鸞一首

鄭鋒宅神二首

廣利王女二首

邵 謁一首

陳宮妃嬪四首

讀雪山房唐詩卷三十四

七絕

六

自遣詩

三十首
之一

陸龜蒙

古往天高事渺茫
爭知靈媛不淒涼
月娥如有相思淚
祇待方諸寄兩行

和襲美春夕酒醒

幾年無事傍江湖
醉倒黃公舊酒壚
覺後不知明月上
滿身花影倩人扶

白蓮

素蘂多蒙別豔欺
此花真合在瑤池
還應有恨無人覺
月曉風清欲墮時

閑吟

閑吟料得三更盡始把孤燈背竹窗一夜西風高浪起不教
歸夢過寒江

有別

且將絲紉繫蘭舟醉下煙汀減去愁江上有樓君莫上落花
隨浪正東流

懷宛陵舊遊

陵陽佳地昔年遊謝眺青山李白樓惟有日斜溪上思酒旗
風影落春流

小遊仙詩

九十八
首之一

曹唐

玉詔新除沈侍郎便分茅土鎮東方不知今夕遊何處侍從

皆騎白鳳凰

偶題

二首之一

來鵲

近來靈鵲語何疏
獨凭欄干恨有殊
一夜綠荷霜翦破
賺他秋雨不成珠

姑蘇臺

胡曾

吳王恃霸棄雄才
貪向姑蘇醉綠醅
不覺錢塘江上月
一宵西送越兵來

東陽道中作

一作寒食日

方干

百花香氣傍行人
花底垂鞭日易曛
野父不知寒食節
穿林轉壑自燒雲

淮上與友人別

鄭谷

楊子江頭楊柳春
楊花愁殺渡江人
數聲風笛離亭晚
君向瀟湘我向秦

興州江館

向蜀還秦計未成
寒蛩一夜繞牀鳴
愁眠不穩孤燈盡
坐聽嘉陵江水聲

別修覺寺無本上人

松上閑雲石上苔
自嫌歸去夕陽催
山門握手無他語
祇約今冬看雪來

長江縣經賈島墓

水繞荒墳縣路分
村人訝我久咨嗟
重來兼恐無尋處
落日風吹鼓子花

高蟾先輩以詩筆相示抒成寄酬

張生故國三千里知者惟應杜紫微君有君恩秋後葉可能

更羨謝元暉

蟾有宮詞云君恩秋後葉日日向人疏

槐花

毵毵金葉撲晴空舉子魂驚落照中今日老郎猶有恨昔年相虐十春風

續紀漢武

崔塗

分明三鳥下儲胥一覺鈞天夢不如爭那白頭方士到茂陵紅葉已蕭疏

夷陵夜泊

家依楚塞窮秋別身逐孤舟萬里行一曲巴歌半江月便應

消得二毛生

讀庾信集

以下二首一作無名氏

四朝十帝盡風流建業長安兩醉遊
惟有一篇楊柳曲江南江北爲君愁

初過漢江

襄陽好向峴亭看人物蕭條值歲闌
爲報習池多置酒夜來風雪過江寒

宮中

二首之一

羅鄴

芳草長含玉輦塵君王遊幸此中頻
今朝別有承恩處鸚鵡飛來說似人

秋怨

夢斷南窗啼曉烏新霜昨夜下庭梧不知簾外如珪月還照
邊城到曉無

長安春雨

兼風颯颯灑皇州能滯輕寒阻勝遊半夜五侯池館裏美人
驚起爲花愁

江帆

別離不獨恨蹄輪渡口風帆發更頻何處青樓方凭檻半江
斜日認歸人

爲人感贈

歌舞從來最得名如今老寄洛陽城當時醉送龍驤曲畱與
誰家唱月明

煬帝陵

羅隱

入郭登橋出郭船
紅樓日日柳年年
君王忍把平陳業
只博雷塘數畝田

柳

灞岸晴來送別頻
相偎相倚不勝春
自家飛絮猶無定
爭解

垂絲絆路人

偶題

一作嘲鍾陵妓雲英

鍾陵醉別十餘春
重見雲英掌上身
我未成名君未嫁
可能俱是不如人

小松

已有清陰逼坐隅
愛聲仙客肯過無
陵遷谷變須高節
莫向

人間作大夫

比紅兒詩

百首之一

羅虬

花落塵中玉墮泥香魂應上竊孃隄欲知此恨無窮處長倩
城烏夜夜啼

君山

程賀

曾遊方外見麻姑說道君山此本無云是崑崙山頂石海風
吹落洞庭湖

題崇慶寺壁

溫憲

十口溝隍待一身半年千里絕音塵髣髯如雪心如死猶作
長安下第人

春

高蟾

言言山房詩卷三
五
明月斷魂青靄靄平蕪歸思綠迢迢人生莫遣頭如雪縱得
春風亦不消

下第後上永崇高侍郎

天上碧桃和露種日邊紅杏倚雲栽芙蓉生在秋江上不向
東風怨未開

題馬嵬驛

一作羅
隱詩

狄歸昌

馬嵬煙柳正依依重見鑾輿幸蜀歸泉下阿蠻應有語這回
休更怨楊妃

和李秀才邊庭四時怨

盧汝弼

春風昨夜到榆關故國煙花想已殘少婦不知歸未得朝朝
應上望夫山

盧龍塞外草初肥雁乳平蕪曉不飛鄉國近來音信斷至今
猶自著寒衣

八月霜飛柳半黃蓬根吹斷雁南翔隴頭流水關山月泣上
龍堆望故鄉

朔風吹雪透刀瘢飲馬長城窟更寒半夜火來知有敵一時
齊保賀蘭山

古意

王駕

夫戍蕭關妾在吳西風吹妾妾憂夫一行書信千行淚寒到
君邊衣到無

社日

一作張
演詩

鶯湖山下稻梁肥豚栅雞棲對掩扉桑柘影斜春社散家家

扶得醉人歸

惆悵詩十二首之一

王 渙

陳宮興廢事難期三閣空餘綠草基
狎客淪亡麗華死他年

江令獨來時

溪興

杜荀鶴

山雨溪風捲釣絲
瓦甌蓬底獨斟時
醉來睡著無人喚
流下

前溪也不知

旅舍遇雨

月華星彩坐來收
嶽色江風暗結愁
半夜燈前十年事
一時

和雨到心頭

新雁

暮天新雁起汀洲紅蓼花疏水國秋想得故園今夜月幾人
相憶在江樓

題槐

翁承贊

雨中妝點望中黃勾引蟬聲送夕陽憶昔當年隨計吏馬蹄
終日爲君忙

傷進士謝庭皓

徐寅

獻書猶未達明君何事先遊岱嶽雲惟有春風護冤魄與生
青草蓋孤墳

春恨

三首
之一

錢珝

負罪將軍在北朝秦淮芳草綠迢迢高臺愛妾魂銷盡始得
邱遲爲一招

長門怨

崔道融

長門花泣一枝春
爭奈君恩別處新
錯把黃金買詞賦
相如自是薄情人

讀杜紫微集

紫微才調復知兵
長覺風雷筆下生
還有枉拋心力處
多於五柳賦閑情

己亥歲

僖宗廣明元年

曹松

澤國江山入戰圖
生民何計樂樵蘇
憑君莫話封侯事
一將功成萬骨枯

上靈州令狐相公

李洞

征蠻破虜漢功臣
提劍歸來萬里身
閑倚凌煙金柱看
形容

憔悴老於真

山居喜友人見訪

入雲晴劖茯苓還日暮逢迎木石間
看待詩人無別物半潭秋水一房山

繡嶺宮詞

春日遲遲春草綠野棠開盡飄香玉
繡嶺宮前鶴髮翁猶唱開元太平曲

題妓王福孃牆二首

孫棨

移壁迴窗費幾朝指銀偷解博紅椒
無端鬪草輸隣女更被拈將玉步搖

試共卿卿笑語初畫堂連遣侍兒呼
寒飢不耐金如意白獺

言雪山房唐詩卷三
爲膏郎有無

宿巾子山禪寺

任翻

絕頂新秋生夜涼
鶴翻松露滴衣裳
前峯月映半江水
僧在翠微開竹房

再遊巾子山寺

靈江江上幘峯寺
三十年來兩度登
野鶴尙巢松樹徧
竹房不見舊時僧

三遊巾子山寺感述

清秋絕頂竹房開
松鶴何年去不迴
惟有前峯明月在
夜深猶過半江來

山中寄友人

李九齡

亂雲堆裏結茅廬已共紅塵跡漸疏莫問野人生計事窗前
流水枕前書

竹枝詞

孫光憲

門前春水白蘋花岸上無人小艇斜商女經過江欲暮散拋
殘食飼神鴉

楊柳枝詞

閭門風暖落花乾飛遍江南雪不寒獨有晚來臨水驛閑人
多凭赤欄干

雪中歌二首

黃子野

早潮初上海門開漠漠同雲雪作堆一百六峯都掩盡不知
何處有僧來

詞學山房唐詩卷三十四
九
幾日江頭醉不醒
滿天風雪臥滄溟
定知酒伴無尋處
門外松濤獨坐聽

獻主司

孟賓于

那堪雨後更聞蟬
溪隔重湖路七千
憶昔故園楊柳岸
全家送上渡頭船

朝元引

陳陶

寶祚河宮一向清
龜魚天篆益分明
近臣誰獻登封草
五岳齊呼萬歲聲

水調詞

十首之一

羽管慵調怨別離
西園新月伴愁眉
容華不分隨年去
獨有妝樓明鏡知

閑居雜興

五首之一

一顧成周力有餘
白雲閑釣五溪魚
中原莫道無麟鳳
自是皇家結網疏

泉州刺桐花詠兼呈趙使君

六首之一

海曲春深滿郡霞
越人多種刺桐花
可憐虎竹西樓色
錦帳三千阿母家

隴西行

四首之一

誓埽匈奴不顧身
五千貂錦喪胡塵
可憐無定河邊骨
猶是春閨夢裏人

投贈福建桂常侍

後來台席更何人
都護朝天拜近臣
長笑當時漢卿士
等閑

恩澤畫麒麟

題龍陽縣青草湖

唐溫如

西風吹老洞庭波
一夜湘君白髮多
醉後不知天在水
滿船清夢壓星河

明君曲

王偃

北望單于日半斜
明君馬上泣胡笳
一雙淚滴黃河水
應是東流入漢家

放猿

吉師老

放爾千山萬水身
野泉晴樹好爲鄰
啼時莫近瀟湘岸
明月孤舟有旅人

丙申歲詩

撫言曰元和十一年丙申中書舍人李逢吉下放高澥等三十三人多取寒素時有詩

元舉子

元和天子丙申年三十三人同得仙袍似爛銀
文似錦相將白日上青天

刺臂

宋元素

昔日已前家未貧苦將錢物結交親
如今失路尋知己行盡關山不見人

題故翠微宮

失名

翠微寺本翠微宮樓閣亭臺幾十重
天子不來僧又去樵夫時倒一株松

雜詩六首

無名氏

勸君莫惜金縷衣勸君須惜少年時
有花堪折直須折莫待

言山房詩卷三
二
無花空折枝

不洗殘妝凭繡牀也同女伴繡鴛鴦迴鍼刺到雙飛處憶著
征夫淚數行

一去遼陽繫夢魂忽傳征騎到中門紗窗不肯施紅粉徒遣
蕭郎問淚痕

近寒食雨草萋萋著麥苗風柳映隄早是有家歸未得杜鵑
休向耳邊啼

無定河邊暮角聲赫連臺畔旅人情函關歸路千餘里一夕
秋風白髮生

浙江輕浪去悠悠望海樓吹望海愁莫怪鄉心隨魄斷十年
爲客在他州

雜調二首

空賜羅衣不賜恩
一薰香後一銷魂
雖名舞袖何曾舞
長對春風裛淚痕

眼想心思夢裏驚
無人知我此時情
不如池上鴛鴦鳥
雙宿雙飛過一生

題長樂驛壁

撫言云大中十年鄭顥典文放榜後謁假覲省于洛生徒餞長樂驛俄有紀屋壁云

三十驂騑一烘塵
來時不鎖杏園春
楊花滿地如飛雪
應有偷遊曲水人

楊柳枝二首

楊柳長條踈地垂
楊花漫漫攪天飛
柳條折盡花飛盡
借問行人歸不歸

萬里長江一帶開岸邊楊柳幾千栽錦帆未落西風起惆悵
龍舟去不迴

水調歌二首

平沙落日大荒西隴上明星高復低孤山幾處看烽火壯士
連營候鼓聲
隴頭一段氣長秋舉目蕭條總是愁祇爲征人多下淚年年
添作斷腸流

入破第四

日晚笳聲咽戍樓隴雲漫漫水東流行人萬里向西去滿目
關山空恨愁

涼州歌第二

朔風吹葉雁門秋
萬里煙塵昏戍樓
征馬長嘶青海北
胡笳夜聽隴山頭

蓋羅縫

音書杜絕白狼西
桃李無顏黃鳥啼
寒雁春深歸去盡
出門腸斷草萋萋

水鼓子

雕弓白羽獵初回
薄夜牛羊復下來
夢水河邊秋草合
黑山峯外陣雲開

小秦王樂府詞

柳條金嫩不勝鴉
青粉牆頭道蘊家
燕子不來春寂寞
小窗和雨夢梨花

胡笳曲

月明星稀霜滿野
羶車夜宿陰山下
漢家自失李將軍
單于公然來牧馬

桂花曲

可憐天上桂花孤
試問姮娥更要無
月宮幸有閑田地
何不中央種兩株

突厥三臺

雁門山上雁初飛
馬邑關中馬正肥
日旰山西逢驛使
殷勤南北送征衣

如意娘

武后

看朱成碧思紛紛
憔悴支離爲憶君
不信比來長下淚
開箱

驗取石榴蒂

謝賜珍珠

江妃

桂葉雙眉久不描
殘妝和淚污紅綃
長門盡日無梳洗
何必珍珠慰寂寥

白蠟燭詩

代夫贈人

孫氏

景勝銀釭香比蘭
一條白玉逼人寒
他時紫禁春風夜
醉草天書仔細看

喜盧郎及第

竇梁賓

曉妝初罷眼初睜
小玉驚人踏破裙
手把紅箋書一紙
上頭名字有郎君

憶崔生

紅綃妓

深洞鶯啼恨阮郎偷來花下解
珠璫碧雲飄斷音書絕空倚
玉簫愁鳳凰

題鯉魚函

晁采

花箋製葉寄郎邊的的尋魚爲妾傳
郎處斜陽三五樹路中
休近釣魚船

長門怨

劉媛

雨滴梧桐秋夜長愁心和雨到
昭陽淚痕不學君恩斷拭卻
千行更萬行

懷良人

葛鵲兒

蓬髻荆釵世所稀布裙猶是嫁時衣
胡麻好種無人種正是
歸時不見歸

早梅

一作觀梅
女仙詩

劉元載妻

南枝向暖北枝寒一種春風有兩般
憑仗高樓莫吹笛大家畱取倚闌干

題興元明珠亭

京兆女子

寂寥滿地落花紅獨有離人萬恨中
回首池塘更無語手彈珠淚與春風

燕子樓三首

關盼盼

樓上殘燈伴曉霜獨眠人起合歡牀
相思一夜情多少地角天涯不是長

北邙松柏鎖愁煙燕子樓中思悄然
自埋劒履歌塵散紅袖香消已十年

適看鴻雁岳陽迴又覩元禽逼社來瑤瑟玉簫無意緒任從

蛛網任從灰

續韋蟾句

蟾廉問鄂州及罷賓僚祖餞蟾以箋書文選句授坐客請續有妓起口占二句無不嘉歎

蟾贈數十
干納之

武昌妓

悲莫悲兮生別離登山臨水送將歸武昌無限新栽柳不見
楊花撲面飛

春思

二首
之一

張窈窕

門前梅柳爛春輝閉妾深閨繡舞衣燕子不知腸欲斷銜泥
故故傍人飛

送人

徐月英

惆悵人間萬事違兩人同去一人歸生憎平望亭前水忍照

鴛鴦相背飛

送友人

薛濤

水國蒹葭夜有霜
月寒山色共蒼蒼
誰言千里自今夕
離夢杳如關塞長

送鄭眉州

雨暗眉山江水流
離人掩袂立高樓
雙旌千騎駢東陌
獨有羅敷望上頭

酬杜舍人

雙魚底事到儂家
撲手新詩片片霞
唱到白蘋洲畔曲
芙蓉空老蜀江花

籌筆樓

平臨雲鳥入窗秋壯壓西川四十州諸將莫貪羌族馬最高
層處見邊頭

贈遠

二首
之一

芙蓉新落蜀山秋錦字開緘到是愁閨閣不知戎馬事月高
還上望夫樓

題竹郎廟

竹郎廟前多古木夕陽沈沈山更綠何處江村有笛聲聲聲
盡是迎郎曲

酬李學士寄簞

魚元機

珍簞新鋪翡翠樓泓澄玉水記方流唯應雲扇情相似同向
銀牀恨早秋

題張僧繇醉僧圖

懷素

人人送酒不會沽終日松間挂一壺
草聖欲成狂更發真堪畫入醉僧圖

題僧院

靈一

虎溪閑月引相過帶雪松枝挂薜蘿
無限青山行欲盡白雲深處老僧多

送侯秀才南遊

皎然

芳草隨君自有情不關山色與猿聲
爲看嚴子灘頭石曾憶題詩不著名

酬鄭判官湖上見贈

歲歲湖南隱已成如何星使忽知名
沙鷗慣識無心客今日

逢君不解驚

送婆羅門

清江

雪嶺金河獨向東
吳山楚澤意無窮
如今白首鄉心盡
萬里歸程在夢中

送友人之上都

法振

玉帛徵賢楚客稀
猿啼相送武陵歸
湖頭望入桃花去
一片春帆帶雨飛

松

景雲

畫松一似真松樹
且待尋思記得無
曾在天台山上見
石橋南畔第三株

謝人惠紙

齊己

烘焙幾工成曉雪輕明百幅疊春冰何消才子題詩外分與
能書貝葉僧

折楊柳詞

穠低似中陶潛酒軟極如傷宋玉風多謝將軍繞營種翠中
閑卓戰旗紅

暮春送人

無悶

折柳亭邊手重攜江煙澹澹草萋萋杜鵑不解離人意更向
落花枝上啼

贈李源

天竺牧童

三生石上舊精魂賞月吟風未要論慚愧情人遠相訪此身
雖異性長存

別李源

身前身後事茫茫欲話因緣恐斷腸
吳越山川尋已遍卻回
煙棹上瞿塘

醉吟

許碣

閬苑花前是醉鄉踏翻王母九霞觴
羣仙拍手嫌輕薄謫向
人間作酒狂

山歌

吳彩鸞

若能相伴步仙壇應得文簫駕彩鸞
自有繡繡并甲帳瑤臺
不怕雪霜寒

與鄭鋒酬唱詩

鄭鋒宅神

浦口潮來初淼漫蓮舟搖颺採花難
春心不愜空歸去會待

潮回更折看

忽然湖上片雲飛不覺舟中雨濕衣折得蓮花渾忘卻空將荷葉蓋頭歸

寄張無頗

廣利王女

羞解明璫尋漢渚但憑春夢訪天涯紅樓日暮鶯飛去愁殺深宮落砌花

燕語春泥墮錦筵情愁無意整花鈿寒閨欹枕不成夢香炷金爐自裊煙

降巫詩

邵謁

青山山下少年郎失意當時別故鄉惆悵不堪回首望隔溪遙見舊書堂

與顏濬冥會詩

陳
宮妃嬪

秋草荒臺響夜蛩
白楊凋盡減悲風
綵牋曾擘欺江總
綺閣塵消玉樹空

麗華

寶閣排雲稱望仙
五雲高豔擁朝天
清溪猶有當時月
應照

瓊花綻綺筵

貴嬪

素魄初圓恨翠娥
繁華濃豔竟如何
南朝唯有長江水
依舊

門前作逝波

幼芳

簫管清吟怨麗華
秋江寒月綺牕斜
慚非後主題箋客
得見

臨春閣上花

濬

讀雪山房唐詩卷三十四終



